

律
疏
補
書

續錄

爾雅注序

大道失而後有六經六經失而後有爾雅爾雅失而後有箋注爾雅與箋注俱奔走六經者也但爾雅逸箋注勞爾雅者約六經而歸爾雅故逸箋注者散爾雅以投六經故勞有詩書而後有爾雅爾雅馮詩書以作往往出自漢代箋注未行之前其孰以爲周公哉爾雅釋六經者也爾雅明百家箋注皆可廢爾雅應釋者也箋注不應釋者也人所不識者當釋而釋之曰應釋人所不識者當釋而

不釋所識者不當釋而釋之曰不應釋古人語言
於今有變生今之世何由識古人語此釋詁所由
作五方言語不同生於夷何由識華語此釋言所
由作物有可以理言者以理言之有不可以理言
但喻其形容而已形容不可明故借言之訓以爲
證此釋訓所由作宗族婚姻稱謂不同宮室器樂
命名亦異此釋親釋宮釋器釋樂所由作人之所
用者人之事爾何由知天之物此釋天所由作生
於此土識此土而已九州之遠山川丘陵之異何

由歷此釋地釋丘釋山釋水所由作動物植物五
方所產各有名古今所名亦異謂此釋艸釋木釋
蟲釋魚釋鳥釋獸釋畜所由作何物爲六經集言
語稱謂宮室器服禮樂天地山川艸木蟲魚鳥獸
而爲經以義理行乎其間而爲緯一經一緯錯綜
而成文故曰六經之文爾雅謂言語稱謂宮室器
服禮樂天地山川艸木蟲魚鳥獸之所命不同人
生不應識者也故爲之訓釋義理者人之本有人
生應識者也故嬰兒知好瞽者聾者知信義不馮

文字而後顯不藉訓釋而後知六經所言早爲長
物何況言下復有言哉故爾雅則不釋焉後之箋
注家反是於人不應識者則畧應識者則詳舍經
而從緯背實以應虛致後學昧其所不識而妄其
所識也蓋人所不應識者經也實也不得釋則惑
得釋則明若曰關關雎鳩在河之洲不得釋則人
知雎鳩爲何禽河洲爲何地哉人所應識者緯也
虛也釋則不顯不釋則顯董遇有言讀百徧理自
見者爲此也若雎鳩河洲不得旨言雖千誦何益

哉何謂釋則不顯且如論語所謂學而時習之不
亦說乎無箋注人豈不識孟子所謂亦有仁義而
已矣何必曰利無箋注人豈不識中庸所謂天命
之謂性率性之謂道無箋注人豈不識此皆義理
之言可詳而知無待注釋有注釋則人必生疑疑
則曰此語不徒然也廼舍經之言而泥注解之言
或者復舍注解之意而泥已之意以爲經意故去
經愈遠正猶人夜必寢旦必食不須告人也忽而
告人曰吾夜已寢矣旦已食矣聞之者豈信其直

如此耳必曰是言不徒發也若夜寢旦食又何須告人先儒箋解虛言致後人疑惑正類此因疑而求因求而迷因迷而妄指南爲北俾日作月欣欣然以爲自得之學其實沈淪轉徙可哀也哉此患無他生於疑爾其疑無他生於本來識者而作不識者解爾爾雅訓釋六經極有條理然只是一家之見又多徇於理而不達乎情狀故其所釋六經者六經本意未必皆然樵酷愛其書得法度今之所注只得據爾雅意旨所在因採經以爲證不可

叛之也其於物之名大有拘礙處亦畧爲之撫正
云爾謹序

爾雅目錄

卷上

釋詁第一

釋言第二

釋訓第三

釋親第四

爾雅卷上目錄

爾雅卷上

宋 鄭樵 註

釋詁第一

詁故也古人之言也故從言以古人之言於今有訛轉故作釋詁以五方之言

於此有異同故作釋言然古人之言亦有五方之異五方之言亦有古今不同故釋詁釋言二篇雖各有註其義互通

初哉首基肇祖元胎俶落權輿始也

初衣始制也哉艸木始生

也首元皆人之首也肇始闢戶也祖人之先也胎孕形也俶初動作也落初墮也權輿胚胎未成亦物之始凡此皆始也可以文義求他有因音借字不可以文義求者難專泥此舊註引尚書三月哉生魄詩曰令終有俶又曰俶載南畝又曰訪予落止又曰胡不承權輿

林 烝天帝皇

王后辟公侯君也

賓之初筵曰有壬有林文王有聲曰文王烝哉餘皆義之常行

通見詩書

弘廓宏溥介純夏撫厖墳嘏丕弈洪誕茂駿

假京碩濯訐宇穹壬路淫甫景廢壯豕簡筭聃聃

將業蓆大也

弘洛誥云武王弘朕恭廓方言云張小使大謂之廓宏書曰若保宏父溥

烈祖云我受命溥將介方言云東齊海岱之間謂之介純閼宮云天錫公純嘏夏方言云自關而西秦晉之間凡物之壯大而夔偉之謂之夏撫巧言云亂如此撫厖駿商頌長發云爲下國駿厖墳嘏方言云青幽之間凡土高且大者謂之墳秦晉之間凡物壯大謂之嘏丕書云嘉乃丕績弈韓弈云弈弈梁山洪大誥云延洪惟我幼冲人誕生民云誕彌厥月戎方言云宋魯陳衛之間謂之嘏或曰戎京碩濯訐秦晉之間凡人大謂之樊燕之北鄙齊楚之郊或曰京齊宋之間曰碩荆吳揚颺之郊

曰濯中齊西楚之間曰許又文王有聲云王公伊
濯又抑云許謨定命宇覆六合也穹天之高遠也
壬賓之初筵云有壬有林路生民云厥聲載路淫
有客云既有淫威甫齊風云無田甫田景潛云以
介景福廢四月云廢為殘賊壯方言云秦晉之間
凡人大謂之樊或謂之壯冢綿云乃立冢土簡執
競云降福簡簡都角反韓詩云蒯彼甫田又說
文云蒯艸大也販卷阿云爾土宇販章旺日照之
所及也將周頌云我將我享業大版也靈
臺云虞業維樅蓆緇衣云緇衣之蓆云
也郭云二者又為有也詩曰迄臻極到赴來弔艘
遂撫大東撫今本為荒

格戾懷摧詹至也

迄生民云以迄于今臻泉水云
遄臻于衛極樂記云及夫禮樂

之極乎天赴雜記云凡赴於君來春秋云祭伯來
弔小雅云神之弔矣艘讀為屈方言云齊楚之會
郊曰懷宋曰屈摧大雅云先
祖于摧詹采綠云六日不詹如適之嫁徂逝往也

如春秋公及大夫朝聘皆書如之論語云之一邦適嫁徂逝皆方俗語方言云自家而出謂之嫁猶女出爲嫁也逝秦晉語也

賚貢錫畀予貺賜也

賚賚

有功善人也湯誓曰予其大賚汝貢下與上也錫加賜也畀付與也干旄云何以畀之予卽與也貺惠與也形弓

儀若祥淑鮮省臧嘉令類緼穀攻穀

介徽善也

儀文王云儀刑文王若左傳宣三年民入山林不逢不若祥泰誓云襲于休祥

淑鵬鳩

云淑人君子鮮新臺云遽條不鮮緼救金

反省緼穀郭氏未詳臧齊風云射則臧弓嘉抑云

無不柔嘉令卷阿云令問令望類左傳云勤施無

私曰類攻車攻云我車旣攻穀小明云式穀以女

介板云介人維藩

徽音

舒業順叙也

謂次

舒業順叙

思齊云太姒嗣徽音

舒業順叙

叙也

舒業順叙

緒也

四者又爲端緒

怡懌悅欣衍喜愉豫愷康妣般樂也

備見經典
姦通作耽

悅懌愉釋賓協服也

皆謂悅服也釋無憾也賓懷德也

通遵率循由從自也

自亦從也通遵率循也

三者又為循義循者

不改作也

靖惟漠圖詢度咨諏究如慮謨猷肇基訪謀

也

皆謂謀議也漠通作莫小雅云聖人莫之猷通作猶大雅云厥猶翼翼餘皆見詩郭氏云如肇

未詳按肇即江漢云肇敏戎公如義未詳

典彝法則刑範矩庸恒律戛

職秩常也

郭氏云庸戛職秩義見詩書餘皆謂常法耳

柯憲刑範辟律

矩則法也

幽風云伐柯伐柯其則不遠謂執柯以取法也辟婢亦反下同

辜辟戾

皐也

皐即罪也秦以皐似皇故改為罪

黃髮覲齒鮐背耆老壽也

黃髮髮白更黃也覲齒齒落重生者鮐背背皮有鮐魚文此皆壽徵者方言云秦晉之郊陳寃之會